

卷十二

廣文選卷第一

明通議大夫都察院右副都御史大庾劉節廣



天地廣

天地賦

成公子安



書名 廣文選八十二卷 嘉靖十二年序刊本
 撰者 明 劉節 輯
 卷 卷十二
 內容分類 集-總集-詩文
 索書號 大木-集部-總集類-3
 編號 D7920300

惟自然之初載兮道虛無而玄清太素紛以溷淆兮始
 有物而混成何元一之芒昧兮廓開闢而著形爾乃清
 濁剖判玄黃判離太極既殊是生兩儀星辰煥列日月
 重規以尊地靜以卑昏明迭炤或盈或虧陰陽協
 氣而謝寒暑隨時而推移三才殊性五行異位千變
 萬化育庶類授之以形稟之以氣色表文采聲有音
 無方流形品物鼓以雷霆潤以慶雲八風翺翔

彩色首頁
 東洋文化研究所漢籍目錄 編號: D7920300
 東洋文化研究所漢籍目錄所藏漢籍善本文影像資料庫 索書號: 大木-集部-總集類-3
 漢籍善本文影像資料庫文本廣文選八十二卷 嘉靖十二年序刊本
 版權所有: 東京大學 東洋文化研究所
 使用上的注意事項

廣文選卷第十二

明通議大夫都察院右副都御史大庾劉節

詩

公讌

元會詩

曹子達

初會元祚吉日惟良乃為佳會宴此高堂衣裳鮮潔黼
黻玄黃珍膳雜選充溢圓方俯視文軒仰瞻華梁願保
茲喜千載為常歡笑盡娛樂哉未央皇家榮貴壽考無
疆

後園會詩

張茂先

暮春元日陽氣清明祁祁甘雨膏澤流盈習習祥風啓
滯導生禽鳥逸豫桑麻滋榮織條被綠翠華含英於皇

我后欽若昊乾順時省物言觀中園讌及群辟乃命乃
延合樂華池被濯清川汎彼龍舟沂遊渚源

太子賜宴詩

陸士衡

明明隆晉茂德有赫思媚上帝配天光宅誕育皇儲儀
刑在昔微言時宣福祿來格勞謙降貴肆敬下臣肇彼
先驅翻成嘉賓

洛水詩

潘正叔

晷運無窮已時逝焉可追斗酒足為歡臨川胡獨悲暮
春春服成百草敷英蕤聊為三日遊芳駕結龍旂廟廊
多豪俊都邑有艷姿朱軒蔭蘭皋翠幙映洛湄臨崖濯
素手涉水褰輕衣沉鈎出比目舉弋落雙飛羽觴乘波
進素卵隨流歸

侍皇太子宴玄圃詩

潘正叔

商風初授辰火微流朱明送夏少昊迎秋嘉木茂園芳
草被疇於時我后以豫以遊

華林園詩

王武子

蠹爾長蚘荐食江汜我皇神武汎舟萬里迅雷電邁弗
及掩耳思樂華林薄采其蘭皇居偉則芳園巨觀仁以
山悅水為智歡清池流爵祕樂通玄物以時序情以化
宣

侍宴西池詩

謝靈運

詳觀記牒鴻荒莫傳降及雲鳥曰聖則天虞承唐命周
襲商艱江之永矣皇心惟眷矧乃暮春時物芳衍濫觴
逶迤周流蘭殿禮備朝容樂闋夕宴

詔宴西池詩

顏延之

河岳曜圖聖時利見於赫有皇升中納禪載貞其恒載
通其變大哉人文至矣天睠昭哉儲德靈慶攸繁明兩
紫宸景物乾元帝宗蒼藹惟城惟蕃衮衣善職彤弓受
言飾館春宮稅鑣青輅長筵逶迤浮觴汾泝

侍華光殿為太子作

謝玄暉

傍求遂古逖聽鴻名大寶曰位得一為貞朱綈叶祉綠
字摛英升配同貫進讓殊聲大橫將屬會昌已命國步
中阻震居膺慶璽劔克傳龜玉增映玄塞北靡丹徼南
極浮毳駕風非沫非陟西京藹藹東都濟濟秋祓濯流
春禊浮醴初吉云獻上除方啓昔駕陽穎今帳雲陛嘉
樂舊矣芳宴在斯載留神矚有睟天儀龍精已映威仰
樓閣出翠葆隨風金戈動日惆悵清管徘徊輕作
灑灑入遙河淇流乍媧若來往觴肴泔泝歡飫有終清
光欲暮輕輶迴首華組徐步

九日侍宴樂游苑詩

丘希範

朱明已謝葦收司禮爰理秋祓備揚旌棨奉璋戕戕金
貂濟濟上林弘敞離官非一綵殿迴風丹樓映日隨珠
甲帳屯衛周悉睟容徐動天儀澄謐雲物游颺光景高
麗枯葉未落寒花委砌絲桐激舞楚雅閑慧參差繁響
殷勤流詣

侍宴樂游苑詩

任彥暉

帝德峻韶夏王功書頌平共貫洽五勝獨道邁三英我

皇撫歸運時乘信告成一唱華鍾石再撫被絲笙黃草
歸雒木梯山薦玉榮時來濁河變瑞起溫洛清物色動
震眷民豫降皇情

侍太子九日宴玄圃詩

王仲實

明明儲后冲默其量徘徊禮樂優游風高微言外融幾
神內王就日齊暉儀雲等望本茂條榮源澄流潔漢穰
間平周二魯衛咨我藩華方軌前軼秋日在房鴻鴈來
翔寥寥清景靄靄微霜草木搖落幽蘭獨芳眷言淄苑
尚想濠梁既暢旨酒亦飽徽猷有來斯悅無遠不柔

侍曲水宴詩

沈休文

光遲蕙敏氣婉椒臺皇心愛矣帝曰遊哉王鸞徐鶯翠
鳳輕迴別殿廣臨離宮洞啓川祗奉壽河宗相禮清洛
漸遙長伊流陞洄盪嘉羞搖漾芳醴輕歌易繞弱舞難
持素雲留管玄鶴停絲引思爲歲歲亦陽若服賁身身
亦昌止徒勤丹漆終愧文梓

侍太子九日宴詩

沈休文

涼風北起高鴈南翻葉浮楚水草折梁園淒清霜野惆
悵晨鷗雲輕寒樹日麗秋原三金廣設六羽高陳寒英
始獻涼酌初醇靡靡神襟鏘鏘群彥思媚儲猷洽和奉
宴恩暢蘭席歡同桂殿景遽樂推臨風以眷麗景天枝
位非德舉任伍辰階祚均河楚負岳未勝瞻雲難侶望
古興惕心焉載佇

侍宴樂遊苑詩

沈休文

憑玉宅海端宸御天上流飛壑靜震騰川凝神貫極摘

道漏泉西服委衽南風在
弦暮芝始綠年桂初丹上林
葉下滄池水寒霜霑玉樹
鴈動輕瀾停蹕玉陛徙衛
琤瑯箱鳳綵羽蓋鸞姿虹
旌迢遞翠華歲蕤禮弘灞
泐義高洛湄

九日侍宴樂遊苑詩

劉苞

六郡良家子幽并遊俠兒
立乘爭飲羽倒騎競紛馳
鳴珂飾華眊金鞍映玉羈
膳羞殫海陸和齊眠秋宜
雲飛雅琴奏風起洞簫吹
曲終高宴罷景落樹陰移
微薄承嘉惠飲德良不貲
取効績無紀感恩心自知

祖餞

別詩二首

應得璉

朝雲浮四海日暮歸故山
行役懷舊土悲思不能言
悠悠沙千里未知何時旋

浩浩長河水九折東北流
晨夜赴滄海海流亦何抽
遠適萬里道歸來未有由
臨河累太息五內懷傷憂

送別王世胄詩

潘安仁

朱鑣旣揚四轡旣整駕言餞
行告離芒嶺情有遷延日
無餘影迴轅南翔心焉北
騁

送盧景宣

潘正叔

揚朱焉所哭岐路重別離
屈原何傷悲生離情獨哀
知命雖無憂含卒意低迴
歎氣從中發灑淚隨襟頽
九重重不常鍵閭闔有時
開愧無紵衣獻貽言取諸
懷

從幸洛水餞王公歸國詩

王彭祖

聖主應期運至德敷彝倫
神道垂大教玄化被無垠
欽

若崇古制建侯屏四鄰皇輿迴羽蓋高會洛水濱臨川
講妙藝縱酒釣潛鱗八音以迭奏蘭羞備時珍古人亦
有言爲國不思貧與蒙廟庭施幸得厠太鈞辭僚荷恩
澤朱顏感獻春賦詩盡下情至感暢人神長流無舍逝
白日入西津奉辭慕羣輦侍衛路無因馳情繫帷幄乃
心戀軌塵

贈妹九嬪悼離詩

左太冲

鬱鬱岱清海瀆所經陰精以靈爲祥爲禎峩峩令妹應
期誕生如蘭之秀如芝之榮總角岐嶷齒齠夙成比德
古烈異世同聲惟我惟妹寔惟同生早喪先妣百恩常
情女子有行實遠父兄骨肉之恩固有歸寧何悟離析
隔以天庭自我不見于今二齡穆穆令妹有德有言才
麗漢班明朗楚樊默識若記下筆成篇行顯中閨名播
外藩何以爲贈勉以列圖何以爲言申以詩書相去在
近上下欵欵含辭滿胃鬱煩不舒

與廬陵王紹別詩

宋孝武

連歲矜離心今茲幸良集信宿窮晨暮開顏披所載未
盡歡晤懷已傷岐路及軸轡引江介飛旌背爾邑悄擾
徒旅戒團欒流景入遲遲分手念泫泫登路泣

吳興高浦亭庾中郎別詩

鮑明遠

風起洲渚寒雲上日無輝連山眇烟霧長波迴難依旅
鴈方南過浮客未西歸已經江海別復與親眷違奔景
易有窮離袖安可揮懽觴爲悲酌歌朋成泣衣溫念終
不渝藻志遠存追役人多牽滯顧路慙奮飛昧心附遠

翰烟言藏佩韋

贈傅都曹別詩

鮑明遠

輕鴻戲江潭孤鴈集洲止邂逅兩相親緣念共無已風
雨好東西一隔頓萬里追憶栖宿時聲容滿心耳落日
川渚寒愁雲繞天起短翮不能翔徘徊烟霧裡

送盛侍郎餞候亭詩

鮑明遠

霜霜襲冠帶駢駕越城闈北臨出塞道南望入鄉津高
壙宿寒霧平野起秋塵君為坐堂子予乃負羈人欣悲
豈等志甘苦誠異身結涕園中草憔悴悲此春

臨岐贈別詩

謝玄暉

悵望南浦時徙倚北梁步華夏涼風初日隱輕霞暮荒
城迥易陰秋溪廣難渡未立豈徒然君子行彥露

別蕭咨議詩

任彥暉

離燭有窮輝別念無終緒岐言未及申離目已先舉揆
景巫衡阿臨風長揪浦浮雲難嗣音徘徊悵誰與倘有
關外驛聊訪狎鷗渚

餞錢文學

沈休文

漢池水如帶巫山雲似蓋瀟汨背吳潮滢浚橫楚瀨一
望沮漳水寧思江海會以我徑寸心從君千里外

詠史

詠史詩

班孟堅

三王德彌薄惟後用肉刑太倉令有罪就遍長安城自
恨身無子困急獨煢煢小女痛父言死者不可生上書
詣闕下思古歌鷄鳴憂心摧折裂晨風揚激聲聖漢孝

文帝惻然感至情百男何憤憤不如一提縈

詠史詩 二首

阮元瑜

誤哉秦穆公身沒從三良忠臣不達命隨軀就死亡低頭闕墻戶仰視日月光誰謂此何處恩義不可忘路人為流涕黃鳥鳴高桑

燕丹養勇士荆軻為上賓圖擢盡七首長驅西入秦素車駕白馬相送易水津漸離擊筑歌悲聲感路人舉坐同咨嗟歎氣若青雲

秋胡詩

傅休奕

秋胡納令室三日宦他鄉皎皎潔婦姿冷冷守空房嬾媿不終夕別如參與商積誠馳萬里既至兩相忘行人悅令顏借息此樹傍言以逢鄉喻遂下黃金裝

詠史詩 二首

袁彥伯

周昌梗槩臣辭達不為訥汲黯社稷器棟梁表天骨賈厭解分時與酒檮杌婉轉將相門一言和平勃趨舍各有之俱令道不沒

無名因螻蟻有名世所疑中庸難為體狂狷不及時楊惲非忌貴知及有餘辭躬耕南山下蕪穢不遑治趙瑟奏哀音秦聲歌新詩吐音非凡唱負此欲何之

詠荆軻詩

陶淵明

燕丹善養士志在報強嬴招集百夫良歲暮得荆卿君子死知己提劍出燕京素驥鳴廣陌慷慨送我行雄髮指危冠猛氣充長纓飲饒易水上四座列羣英漸離擊悲筑宋意唱高聲蕭蕭晨風逝淡淡寒波生商音更流

涕羽奏壯士驚心知去不歸且有後世名登車何時顧
飛蓋入秦庭凌厲越萬里逶迤過干城圖窮事日至豪
主正怔營惜哉劍術疎奇功遂不成其人雖已沒千載
有餘情

詠三良詩

陶淵明

彈冠亮通津但懼時我遺服勤盡歲月常恐功愈微忠
情謬獲露遂為君所私出則陪文輿入必侍丹帷箴規
嚮已從計議初無虧一朝長逝後願言同此歸厚恩固
難忘君命安可違臨穴罔惟疑投義志攸希荆棘籠高
墳黃鳥聲正悲良人不可贖泫然沾我衣

詠二疏詩

陶淵明

大象轉四時功成者自去日月周來幾人得其趣游
目漢廷中二疏復此舉高嘯返舊居長揖儲君傳餞
傾皇朝華軒盈道路離別情所悲餘榮何足顧事勝感
行人賢哉豈常譽厭厭閭里歡所營非近務促席延故
老揮觴道平素問金終寄心清言曉未悟放意樂餘年
遑恤身後慮誰云其人亡久而道彌著

桃源詩

陶淵明

羸秦亂天紀賢者過其世黃綺之商山伊人亦云逝往
迹浸復湮來逕遂蕪廢相命肆農耕日入從所憇桑竹
垂餘蔭菽稷隨時藝春蠶取長絲秋熟靡王稅荒路暖
交通鷄犬互鳴吠俎豆猶古法衣裳無新製童孺縱行
歌斑白歡游詣草榮識節和木衰見風厲雖無紀曆誌
四時自成歲怡然有餘樂于何勞智慧奇蹤隱五百一

朝敞神界淳薄既異源旋復還幽蔽借問游方士焉測
塵囂外願言躡輕風高舉尋吾契

和南海王詠秋胡妻詩七首

王元長

日月共為照松筠俱以真佩紛甘自遠結鏡待君明日
協金蘭好方愉琴瑟情佳人忽千里幽閨積思生

景落中軒坐悠悠望城闕高樹升夕煙層樓滿初月光
陰非或異山川屢難越輟泣揜鉛姿搔首亂雲髮

傾鬼屬徂火搖念待方秋涼氣承宇結明熠僚堦流三
星亦虛映四屋慘多愁思君如萱草一見乃忘憂

杼袖鬱不諧契闊彌新故朔風欄上發寒鳥林間度客
遠乏衣裘歲暮饒霜露參差興別緒依遲起離慕

願言如何信行邁亦云反睇景不告勞瞻途寧遠遠何
以渝歸輶翹望事春晚送目蘭前華駟心迷舊媿

椒珮容有結振芳跂路隅黃金徒以賦白珪終不渝明

心良自皎安用久踟躕適車及粉巷流日下西虞
披帷惕有忘出門遲所欲彼美後來儀慙顏變欣矚蘭

艾隔芳臭涇渭分清濁去去夫人子請殉川之曲

百一

百一詩

應休璉

年命在桑榆東岳與我期長短有常命遲速不敢辭斗
酒多為樂無為待來茲室廣致凝陰臺高來積陰柰何
季世人侈靡在宮墻飾巧無窮極土木被朱光徵求傾
四海雅意猶未康

廣文選卷第十二

江都曹開校

廣文選卷第十三

明通議大夫都察院右副都御史大庾劉新廣

詩

遊仙

遊仙詩

魏文帝

西山一何高高高殊無極上有兩仙童不飲亦不食與
我一丸藥光曜有五色服藥四五日曾臆生羽翼輕舉
生風雲倏忽行萬億流覽觀四海茫茫非所識

遊仙詩

曹子建

人生不滿百歲少歡娛意欲奮六翮排霧凌紫虛蟬
蛻同松喬翻跡登鼎湖翱翔九天上騁轡遠行遊東觀
扶桑曜西臨弱水流北極玄天渚南翔陟丹丘